


Baibuli y'Abato
erabanjurira



Eiguru,
Omwanya
Murungi
Ogu Ruhanga
Aratuuramu



Ekahandiikwa: Edward Hughes

Omuteezi w'Ebishushwani: Lazarus
Alastair Paterson

Kikahindurwamu: Sarah S.

Kikavunuurwa: Manuel John Kamugisha Muranga

Kikashohozibwa: Bible for Children
www.M1914.org

©2020 Bible for Children, Inc.

Okwikirizibwa: Oraikirizibwa kuhanduukurura, kukora kope nari kuteera
ekyapa omuri ogu mugane, kwonka toraikirizibwa kuguza.



Yesu obu yaabaire ari omu nsi akagambira abeegi be
ebirakwata aha Iguru. Akaryeta "Enju ya Taata",
kandi yaagira ngu erimu emyanya
mingi y'okutuuramu. Ekigambo
"emyanya y'okutuuramu"
kiramanyisa eka mpango,
eboneire. Omu Iguru
harahita eka yoona
ahansi y'eiguru.



Yesu akabagira ati, "Naaza kubatebeekanisiza omwanya. Kandi ku ndyaba naagutebeekaniisize, ndyagaruka mbaakiire, mube naanye." Yesu nyinekwe akatemba omu Iguru obwe amazire kuzooka. Abeegi bakaba bari aho, yaatwarwa ahaiguru baramureeba, ekicu kyamwakiira, tibaashuba kumureeba.




Okwiha obwe, Abakristo bagumaga baraijuka oku
Yesu yaaraganiisize ngu aryagaruka abatware. Yesu
akagira ngu aryagaruka kitaraariire, hataine
orateekateeka ngu obwe nibwe bunaku
bweye bw'okugaruka. Kwonka
shi Abaikiriza abarafwa
atakagarukire, bo ebyabo
ni bita? Baibuli eratugira
ngu baafwa bati
barashanga Yesu.

Okutaba mu mubiri
nikwe okuba na Mukama.



Ekitabo ekirahereerukayo omu Baibuli, eky'
"Okushuuruurwa", kiratugambira oku omu Iguru hari
ah'okutangaaza. Ekirakirayo kutangaaza n'okugira
ngu omu muringo gw'omutaano, omu Iguru niyo wa

Ruhanga, kandi niyo
aine Ekitebe kye
ky'obukama,
nobu ari
ahantu hoona.



Baamaraika n'ebindi ebiri omu Iguru biriyo biraramya
Ruhanga. Abantu ba Ruhanga boona abaafwire
bakaza omu Iguru, nabo bararamya
Ruhanga n'ebyeshongoro
by'omutaano eby'okumuhibisa.
Ebi ni bimwe aha bigambo bya
kimwe aha byeshongoro ebi
bareeshongora:
OSHEMEREIRE,


...




... AHABWOKUBA OTUCUNGURIIRE
RUHANGA N'ESHAGAMA YAAWE
KURUGA OMU NGANDA
ZOONA N'AMAHANGA
GOONA, WAATUHINDURA
ABAKAMA N'ABANYAMURWA
AHABWA
RUHANGA
WAITU.
(Kush 5:9)




Empapura ez'aha muheru gwa Baibuli hoonyine zireeta Eiguru "Yerusaalemu Ensy'a". Ngu ni hahango munonga, munonga, kandi heehinguririziibwe ekisiika kiraingwa. Aza ekyo kisiika kikozirwe omu mabaare ga yasipi, agarareeberana nka kristaalo.



Omusingye gw'ekyo kisiika gushwekirwe
amahunde n'amabaare g'obuguzi bwingi, gakireetere
okumurinkana n'amarangi marungi g'okutangaaza.
Buri irembo ry'orurembo rikozirwe omu ruuru emwe
yonka mpango munonga!




Ago marembo mahango g'eruuru tigakingwaga. Ka
tutaahemu tuze kureeba ebirimu ... YA MAAWE!
Omu Iguru waataahamu, mwe kandi haboneire
n'okukiraho. Orurembo n'orw'ezaabu egyegyeinwe,
eri nk'ekirahuri
ekirarabwamu
amaisho.
N'enkuuto nayo
n'ey'ezaabu.



Omurindi murungi gw'amaizi g'amagara gurasheneneka guraruga aha Kitebe kya Ruhanga eky'Obutegyeki. Ahari buri rubaju rw'ogwo murindi hariho omuti gw'amagara, ogwabandize kushangwa omu Musiri gwa Edeni. Ogu muti n'ogw'omutaano munonga. Guraana ebijuma by'emiringo ikumi n'ebiri, buri kwezi ebijuma by'omuringo ogwakwe. Kandi amababi g'omuti gw'amagara n'ag'okukiza amahanga.



Eiguru tirireetenga eizooba nari okwezi kuhweza.
Ekitiinisa kya Mukama kirariijuza omushana
gw'okutangaaza. Yo tibukooba nyekiro.



Nangwa n'enyamaishwa omu Iguru n'ez'embaganisa. Zoona n'encureezi, nk'eziratuura n'abantu, kandi zirashemerererwa abantu. Emishega n'emyana y'entaama birariira hamwe obunyaasi. Nangwa n'entare, ezo nyamaishwa z'amaani, zirarya ebinyaasi nk'ente. MUKAMA aragira ati, "Tibirihutaaza nari okuhwerekyereza aha rushozi rwangye orureera rwena.



Twagumizamu turarambura Eiguru, turareeba haine
ebi tutakariboinemu. Tihakagizire ekigambo
ky'ekiniga eki twahurira. Titukaboine omuntu
oreeyendeza nari
orarwana.



Aha nyigi tihariho nkufuro ahabwokuba omu Iguru
tiharimu bashuma. Abanyabishuba, abaisi b'abantu,
abarogi, n'abandi bantu babi nabo tibarimu.


Omu Iguru
tiharimu kibi
ky'omuringo
gwena.



Omu Iguru, ei Ruhanga
ari, emiziga haayoyo.
Obumwe n'obumwe
abantu ba Ruhanga
bararira ahabw'obusaasi
bwingi omu magara aga.
Omu Iguru Ruhanga
aryabasangura buri
muziga.



Omu Iguru muntu'we n'okufwa tikuriyo. Abantu
ba Ruhanga baryaguma na Mukama ebiro byona.
Tiharibayo busaasi, nari okurira, nari okuhururwa.
Tiharibayo ndwara, nari okwahukana, nari okuziika.
Omu Iguru buri
muntu aryaguma
ashemereirwe
ebiro byona.



Kandi ekirakirayo okubonera, Eiguru n'ery'aboojo
n'abahara (nangwa n'abantu abaakuzire nabo)
abaikiriize Yesu Kristo nk'Omujuni waabo kandi
bakamworobera nka Mukama waabo. Omu Iguru
harimu ekitabo ekireetwa Ekitabo
ky'Amagara ky'Omwanan gw'Entaama.
Kijwiremu amaziina g'abantu.

Oramanya abantu
abu amaziina gaabo
gahandiikirwemu?
N'abo boona
abareesiga Yesu.


Eryawe eiziina ririmu?



Ebigambo by'aha muheru ebi Baibuli eragamba aha
Iguru biratweta omuri ogu muringo gw'okutangaaza:

"Mutima na Mugore baragira ngu: 'Ija!' Kandi
oraahurire weena k'agire ati: 'Ija!' Kandi oraagire
eiriho nawe k'aije. Kandi orenda weena aije ayakiire

amaizi



g'amagara -
n'aga busha."



Eiguru, Omwanya
Murungi Ogu Ruhanga Aratuumamu

Omugane kuruga omu Kigambo kya Ruhanga,
Baibuli

gurashangwa omuri

Yohaana 14; 2 Abakorinso 5;
Okushuuruuurwa 4, 21, 22

"Ebigambo byawe, byashuuruuurwa, birareeta
omushana." Zaaburi 119:130





Omuhetu



Ogu mugane gw'omu Baibuli guratugambira ahari Ruhanga waitu
ow'okutangaaza, owaatuhangire kandi orenda ngu tumumanye.

Ruhanga aramanya ngu tukozire ebintu bibi, ebi areeta ekibi.
Ekifubiro ky'ekibi n'okufwa; kwonka Ruhanga ahabw'okukukunda
munonga akoohereza Omwana weeye omwe nyamunegyere, Yesu,
kufwera aha musharaba nk'ekifubiro ahabw'ebibi byawe. Kwonka
Yesu akazooka, yaatemb a oweeye omu Iguru! Waikiriza Yesu,
okamushaba kukusaasira ebibi byawe, arakikora! Arai ja hati,
atuure omuriyiwe, reero naiwe otuure nawe ebiro n'ebiro.

Waaba oraikiriza ngu ago nigo mazima, gambira Ruhanga oti:
Ai Yesu, ndaikiriza ngu ori Ruhanga, kandi ngu okaija nk'omuntu,
waafwera ebibi byangye; kwonka hati kandi oriho, ohuriire.
Ndakushaba ngu oije omu magara gangye hati, onsaasire ebibi
byangye, ngire amagara masya, kandi eizooba rimwe
nyije kutuura naiwe ebiro n'ebiro.

Shoma Baibuli kandi ogambe na Ruhanga buri izooba!
Yohaana 3:16

